

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

**BÀALÓ KOANBÁLA TÁÁNLI
JÁGA DOAGIDIMA**

(PP-G N°017-2026)

Pengidiwende Silibeedi WEDIRAWOGO

Wagidugu, li binli 2026 cimuu dana 21

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cimuu dana 21, alaalibu daali
ki cili leeri 9 yogunu ki ban gbeni leeri 12 leni miniti 42,
Kapitenni Ibirayimi TARAWORE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A J4AGA

I.1. BULICINA FASO YUDANCIAMO BADIDIEGU KANI

A Kombála Táánli tàà **tiwaankayenli** ke li tuugi leni Bulicina Faso nni li tuonjanli gààli tuonsoandieciangu yaa tuona n gagidi ki baa soani po.

Laa tuona tie ki teni Bulicina Faso nni li tuonjanli gààli tuonsoandieciangu n bàà i gààli mààlima laani yi n « tagi Bulicina Faso nni. Li baa yaa tie laanbuoli taa ke u buoyendu tie laani **5875**, u lielu n yaa tie laani **2300**, u taalu mo n yaa tie laani **47 005**.

I gààli mààlima laani ligi kuli táani ki fii **miliyon kobiga n bilie n piimu n tuda muu n kobiluoba (502 055 600) Seefa ligi nni**. Laa ligi baa ñaa Bàaló ligikpagu nni, li binli 2026 po.

I.2. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

A Kombála Táánli **másienkaama tili yenli** ke li tuugi leni Bulicina Faso nni Bàaló n ñani yaa báli máama i hunbi, ti yoyuodi leni i taami kodima pò, laa yandi kuadima mi diema nni leni bi gedinma dietoama nni.

Laa másienkaama tili goa ki lebidi ban den taa yaa másienkaama tili li binli 2016, ciyia dana 07 ke mi lanba tie n°2016-857/PRES/PM/MRAH/MCIA/MINEFID/MATDSI ki waani Bulicina Faso nni yaa báli máama n ye i hunbi, ti yoyuodi leni i taami kodima pò, laa yandi kuadima mi diema nni leni bi gedinma dietoama nni.

Yaa másienkaama tili n bi ye yeni pia yaala n poadi li niinni ke lipo teni ke Bàaló ki fidi ki gobidi laa yandi ñama leni bi kuadima yaa dogi n biani leni Bulicina Faso nni ki go paani yaaba n sù ki kuadi laa yandi n bàà yaa sanbipaana.

Yeni, nani Asi dogi n bua i hunbi, ki ban cie mo ti hungbandi boncianla yeni, lipo teni ke hali li binli 2015, ti diema nni ban ñandi i hunbi ki kuadi màamà i dolami nni pia ti jawaandi laa yandi yema po. Ki nan sua ke i hunbi, ti yoyuodi leni i taami wubili Bulicina Faso nni pia mi fuoma boncianla a dojaana niba po li bààli leni ku mààsùàgu sanbila nni.

Mine másienkaama tili nni, li boncànla yàala n tugi yùli tie :

- ki teni li báli máama n yaa gobidi i hunbi, ti yoyuodi leni i taami kuadima mi diema nni leni ban fie laa yanbuoli siiga yaa yandi bu sùbu kuadima po ;
- ki teni Bàaló n ñani laa yandi kpendu po, mi kuadima sanu sieditili ;
- ki teni yaaba n tiendi laa yandi kpendu ban sù ki kuadi laa yandi yaa dogi nni n yen tuodi ki bàà ti yandi ñama sieditili ;
- ki cùó ki go fie yaaba n ki ñua li báli máama sanu yandi leni yaala n pugidi ki kuadi laa yandi fuuli nni.

Laa másienkaama tili táama baa teni ban bàà yaa báli máama n baa todi Bulicina Faso nni, Bàaló n paani canyi i hunbi, ti yoyuodi leni i taami sùkuadima leni yaala n pugidi ki kuadi laa yandi fuuli nni.

I.3. YAA KOANBADIEGU N DIE U LOAGU LENI I LIGI KUBIMA TUONA KANI.

A Kombála Táánli tùó **tiwaankaana naa (04).**

Li tiwaankakpiali tuugi leni **ban bogini yaa másienkaama tili** ki waani Bàaló saliwudidiedi yaadi n tuuni bi niba saala yema ñamu po, ban ñani yaa mábilikaama tili a tuona cenli ñamu po.

Li tie yaa másienkaama tili n goa ki pegidi ban den taa yaa másienkama tili li binli 2014, cinii dan 1 daali ke li lanba tie n°2014-679/PRES/PM/MEF/MFPTSS, ki

waani Bàaló saliwudidiedi yaadi n tuuni bi niba saala-yema ɲamu pò mabilikaama n tie yaama.

Laa másienkaama tili pegidima bua ki ñani yaala n tie boadi ki pangi laa másienkaama tienma ki teni Bàaló saliwudidiedi yaadi n tuuni bi niba saala-yema ɲamu po n bàà yaa báli máama n tuugi leni yaama n ye Afiriki dogi niba saala-yema ɲamu cágili nni.

Li boncànla yàala n tugi yùli mine másienkaama tili n tie :

- ki teni Bàaló saliwudidiegu yaagu n tuuni bi niba saala-yema ɲamu pò n yaa pia ku ligicele nani yaa koanbáli n die laa tuonsoandiegu gobidima leni i ligi kubima koanbáli n táani ki ñii ki bili màamà;
- ki waani Bàaló saliwudidiegu yaagu n tuuni bi niba saala-yema ɲamu pò ke ku ligi kuli mo gó ña Bàaló ligikpagu nni, tuona boginma cágili niba n baa yaa tie yaaba ;
- ki waani Bàaló saliwudidiegu yaagu n tuuni bi niba saala-yema ɲamu pò, ki tiebi bi niba tugili bi yianbuuli nni tuona boginma cágili niba n baa yaa tie yaaba;
- ki kààni yaa cágili n baa yaa diidi a tuona boginma cágili, i ligi leni a tuona n cuoni màamà ;
- ki teni ku tuonsoandiegu tuona boginma cágili leni ku tuonsoandiegu gobidima Cànbaanciamo n táani ki ñii yaa sieditili n baa teni ban sugini yaa tuona n soani ke li dagidi.

Mine másienkaama tili táama baa pugini Bulicina Faso nni, bi niba yaala-yema ɲamu sanbila u paalu.

Li tiwaankalieli tuugi leni **ban bogini yaa másienkaama tili** ki waani ke Bulicina Faso nni jilijili sani tuona tie yaa n bua ki soani tonma mi diema ḡamu pò.

I dociami ñama nni leni jilijili sedikaani nni, bi niba kali ki kuli jilijili sani yaaliyaali u kpendu tuona po.

Laa bonla biidi jilijili sani ki gó pangi jilijili cenli ki teni ke Bulicina Faso nni yaa tuonsoancagili n gobidi jilijili tuona (SOPAFERI-B) kan baa ki soani lin bua màamà li tuona.

Mine másienkaama tili bua ki doagidi ke Bulicina Faso nni jilijili sani tuona tie yaa n bua ki soani tonma mi diema ḡamu pò, lan teni bi niba n fii ki foagidi leni jilijili sankuni jilijili cenli ḡamu po.

Jilijili sani ḡanbima po, yaa tuona n baa soani tie :

- Jilijili sanu kilodajena (km) 622 guariḡanbima màamà n baa teni jilijili tugili kpiagu n cie tonniba 17 ki pundi tonninba 20 ;
- ki guari ki ḡanbi jilijili sanu ki go pugini yaa ligi n bua jilijili sancenli po kuli lan wadi jilijili sanceli dana i dogi siiga ki go pugini jilijili biadi nuama màamà ke leeri yendo kuli ti baa sani yaali n pundi dajena 100 ;
- ki pandi jilijili sani nni li sancenli ḡoadima mààlima lan teni jilijilinba n baa ki yaa cuoni ke li sancenli ibilisi mo ki ye.

Laa másienkaama tili táama baa teni Bulicina Faso nni ban bàà ki soani jilijili sani tuona tonma mi diema ḡamu pò.

Li tiwaankataali tuugi leni Bàaló n bogini yaa ligi ki baa soani yaa tuona li binli 2026 po leni Bàaló ligikpagu nni yaa ligi n ye n fii màamà hali ki ban tuoni cita, o 31 daali.

Li binli 2026, citaa dana 31, yaa ligi n kua Bàalo ligikpagu nni fii **miliyaari 807,56 Seefa ligi nni**, lani n tie ηmaali taa ligikuama po **miliyaari 748,60 Seefa ligi nni**, lani n bundi ke kobiga yuli po ηmaali taa siiga, i ligikuake tie 107,88%, ke li binli po mo laa ligi tie 22,71%.

Li binli 2026 nni, ηmaali taa juodima puoli yaa ligi n ñani a pana po tie **miliyaari 741,23 Seefa ligi nni**, ki sua yaa ligi n den bogini a pana po den tie **miliyaari 3 918,29 Seefa ligi nni**, lani n bua ki yedi ke li panli po, yaa ligi n dáá pani tie kobiga yùli po **18,92%**. Li binli 2025 nni, laa yogunu po, i ligiñake kuli táanma den tie miliyaari 730,24 Seefa ligi nni.

Ku ligikpagu nni mo, li binli 2026, citaa o 31 daali, yaa ligi n kua kuli taanma den tie **miliyaari 1 453,44 milliards Seefa ligi nni**, ki sua laa yogunu po li binli 2025 nni, i likuake den tie miliyaari 911,20 Seefa ligi nni, lanwani ti yaa baa bogini laa yoginlidiedi siiga, i ligikuake pugini kobiga yùli po yaala n pundi 59,51%.

Bàalo ligidiedi n fidi ki ñani yaa ligi tie **miliyaari 1 245,33 Seefa ligi nni**, ki sua li binli 2025 nni, i den tie miliyaari 969,70 Seefa ligi nni.

Ti yaa ñani i ligiñake i ligikuake nni, yaa ligi n baa sieni baa yaa tie **miliyaari 208,11 Seefa ligi nni**.

Li binli 2026 ηmataali juodima nni, ti yaa diidi Bàaló ligidiedi nni yaa ligi n bili, ti baa fidi ki bandi Bàaló n taa yaa jaga i ligi leni u loagu kubima po yaa dagidi bi li yaa dagidi.

Yeni, hali li binli 2026, citaa dana 31 daali, Bàaló n fidi ki kubi yaa ligi ke i bili ti ligidiedi nni tie **miliyaari 239,45 Seefa ligi nni**, ke i ligisienke kuli táanma mo pugini ki tie **miliyaari 66,33 Seefa ligi nni**. Li binli 2025, citaa juodima, Bàaló n den fidi ki kubi yaa ligi ke i bili ti ligidiedi nni den pugini ki tie miliyaari 86,32 Seefa ligi nni, ke i ligisienke kuli táanma mo den wadi ki tie miliyaari 52,68 Seefa ligi nni.

Leni i ligi kuama n pugini màamà po, a Koanbala Taanli pugini gi mia yaaba n gobidi i ligi tuona kuli n suagi leni laa aniali ki go moandi ki teni li binli 2025 po yaa ligi n den baa ña ki naa ñani n tua yaala n tugi yuli dunli 2026 binli po yaa ligi n baa ña nni lan da teni a tuona n cigi ki go pugini a pana mi diema po.

A Koanbála Táanli tùó ke laa tiwaankaali yaali n tuugi leni Bàaló n bogini yaa ligi ki baa soani yaa tuona li binli 2026 po leni Bàaló ligikpagu nni yaa ligi n ye n fii màamà hali ki ban tuoni citaa, o 31 daali n pundi Depiteenba Tuosoandiegu kani.

Li tiwaankanaali tuugi leni ban bogini yaa másienkaama tili ki cilini Bulicina yudiedima mu tinmu tugu nni bonpiakaala lingima ligicàgili (FESEMIBI), ban yi yaali « **Siniyan-Sigui** ».

Li pundi i ñmaali boncianla ke wula dunga pugini hali màamà ke li cine ki dáá bi tieni li ñandunli nni, ki bua ki mibidi Ameriki ligi nni dolaari 4000, lani n tie ke kilogarami yendo kuli dunga bua ki pundi **K 15 600 Seefa ligi nni**. Laa puginna baa yaa tie yaa yogunu ke Bàaló baa bàà ki pugini o bààli wula piama nni mi yaala n tie mi findimamoanma sanbili. Àmá leni wula dunga n pugini yeni kuli, wula tuona nni poadi baa ki ye, lani n tie yaa sanbili n baa teni ban fidi ki táani mi diema wula ki bilidi yaa nifiima n faadi ki kpendi po.

Yaa másienkaama tili n tie ne bua ki cilini laa ligi lan todi a tuontiamana n soani, nani :

- ki baa ki maa ti yaaba yaa tuonsoandiedi n moani mi diema nni mi tagima tuona findima pò ;
- ki pugini Bulicina Faso yùceli diedima pò yaa tuona n pundi ki soani ligi bààma leni bi niba yùla kubima ñamu .

Laa másienkaama tili baa teni ban cilini Bulicina Faso yudiedima mu tinmu tugu nni bonpiakaala lingima ligicàgili (FESEMIBI), ban yi yaali « **Siniyan-Sigui** » lan pugini mi diema wula piama bi niba yema namu po.

I.4. YAA KOANBADIEGU N DIE TI DIEMA LENI DIETOAMA SIIGA NANTAADI

A koanbala taanli tuo tiwaankaali yenli yaali n tie miabu Jelusalema, Orodi leni Maliti diema Tondo bali dinma ti lotoliti tuona nni Bulicina Faso nni.

A Koanbala Taanli tuo ke ban dini o joa **Patiriki JABERE** li bali ke wan kali Wagidugu ki yaa tie Jelusalema, Orodi leni Maliti diema Tondo ti lotoliti tuona nni Bulicina Faso nni.

I.5. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbála Táanli tàà Tiwaankaana lie (02).

Li tiwaankakpiali tuugi leni **ban bogini yaa balimaama** ki waani yaa cuonu n ye mi tudima (li biili) nni ke li yegi leni li bonbiigikaala tuona.

Bulicina Faso nni, Satu (Bali maama) n°86-021/CNR/PRES, ban den taa yaama li binli 1986 citaa dana 24 n den gobidi mi tudima leni yaa cuoni n ye ke li yegi leni li bonbiigikaala tuona. A bina boncianla n pendi, bi diidi ki sua ke laa bali maama pia poadi..

Ban bogini balimaama yaama yeni baa goa ki pegidi yaa poado n ye Satu (bali maama) yeni nni, ki noadi moala li bonbiigikaala tuona mabilikaama n tie maama, ki nan go tieni yaala n ye mi Mabilikaama nni yaama yaa lanba n tie n°08/2014/CM/UEMOA ke bi den taa ma li binli 2014 ciyia 25 daali.

Li boncanla yaala n tugi yuli ban bogini bali maama yaama yeni niinni tuugi leni u cuonu leni u cuonu pani puginma, ki pugini yaa tudima n yegi leni i laabaali tenma, li bonpoabinkaala leni yaa mabilikaama kuli n yegi leni li bonbiigikaala tuona.

A Koanbála Táanli tùó ke ban bogini yaa báli máama yeni n pundi Depiteenba Tuonsoadiegu kani.

Li tiwaankalieli tuugi leni **ban bogini masienkaama tili yaali** ki pegidi masienkaama tili lanba n°2016-357/PRES/PM/MCIA/MINEFID, ki tie ban den taa yaali li binli 2016 cimuu 13 daali ki tuo yaa tuonsoandiegu n diidi ti tiakuadikaadi ya ηani ki go ηua a sanbila (ABENORIMI) mabilikaama.

Mi masienkaama tili lanba n°2025-1683/PF/PRIM/MEF, yaali ke bi den taa li binli 2025 piiga n cilie 31 daali goa ki pegidi mi masienkaama tili lanba n°2014-613/PRES/PM/MEF ki tie ban den taa yaali li binli 2014 cilele 24 daali ke li tie Baalo tuonsoandiedi bali maama. Laa pegidima nni, bi diidikaaba yaaba n yen kali ti tuonsoandiedi tuona gobidikaaba taana nni coali wadi, ke ti mabilikaama pegidima mo tie tiladi bonla.

Laa masienkaama tili taama baa teni yaa tuonsoandiegu n diidi ti tiakuadikaadi ya ηani ki go ηua a sanbila (ABENORIMI) n baa yaa mabilikaama n baa todi ku tuona cenli ηamu.

I.6. A BICEGIDIKAANA COGU LENI MI TUONSOANBANGIMA KOANBADIEGU

A Koanbála Táanli tuo **Tiwaankaali yenli** yaali n tuugi leni a bicegidikaana cogu leni mi tuonsoanbangima koanbadiegu porosenba yaaba n ye celi.

Laa porosenba yaaba n ye celi yeni tuugi leni ti tiadi baama jalijali cogu po ke lan todi u cogu da sedi, ki nan go teni bi niba n sedi ki pugini lan yaa paa ban ye yaa yebiadima nni.

Laa porosenba tie:

- a gbandiena baama leni a cáánma ;
- ti tuonsoantiadi baama li binli 2026 biigiliedima po desiyonba bonbitaa (03) nni.

Laa porosenba dunga fii **miliyaadi bonbilie miliyonba kobimuu n bonbimuu n piitaa n tudiyenli n kobinaa n piilie n kuumu lele (2 505 031 427) sefa lingi.**

Laa ligi baa ña baalo ligikpagu nne ki tie li binli 2026 bidise.

II. I LÀABÁALITENKE

II.1. Yaa koanbadiegu n die u loagu leni i ligi kubima tuona puni laabaali lie (02):

U laabaalikpialu tuugi leni Bulicina Faso loagu leni o ligi n tie maama li binli 2025 nni, tin tama ke li baa yaa tie maama li binli 2026 cilima nni, leni tin bua yaala li binli 2027 ki gedi 2029.

I laabaalijuodike waani ke Bulicina Faso loagu pugini yaala n pundi 5,3% li binli 2025 nni ki sua li binli 2024 nni mi puginma den tie 4,8%. Laa puginma pugidi li papaali. Ba ke laa puginma ki pundi tin den kpia tama maama, kelima li bonla tagima leni a tuonsoanjaana tuona doagidi tin se ke li paa maama kelima Gufenema moandili po. Ti tiadi d unpuginkaaga sedi -0,5% li binli 2025 nni. Ti ya boagini leni li binli 2024, laa d unpuginkaaga jiidi yaala n pundi 4,7. Yaala n todi laa bonla tie ke li binli 2025/2026 siagu cuoni, lani n jiini ku kpaangu dunga.

Li binli 2026 nni, ku loagu tuona ŋua li ŋandunli nni mi yema n lengidi maama u kpendu nni leni yaa tuginma n ye i dogi tuginma leni i yi siiga. Ba leni lan kuli, ti daama ke ti diema loagu pia ti po li papaali yaa yogunu n kpendi kelima ti baa suagi leni li koanli ti tinbuona gáama po leni yaa siagu n ŋani po.

Ti tama ke ti loagu baa yaa pugidi leni puwenba 5,7% li binli 2026 nni ki ban pundi puwenba 7,7% leni yaa tuonciamana n ye TI FIIMA PO li binli 2026 ki gedi 2030.

Li binli 2026 ki gedi 2030 yogunu, ti loagu baa pugini ki pundi 6,1% li binli 2027 nni, 5,5% li binli 2028 nni leni 5,3% li binli 2029 nni. A tuonsoanjaana kuli baa taani ki todi laa bonla. Ti baa sieni ti tiadi dunga puginma lan jiidi 3% tiipo li binli 2027 ki gedi 2029, li ya tie ke ku siagu ŋani, ke mi yanduama pugini, ke gufenema suagi leni ti diadi d unpuginkaaga sienma, ke li ŋandunli nni janjanma ya wadi.

U laabaalilielu tuugi leni mi diema bidise leni baalo ligikpagu n tie maama li binli 2025, piiga n cile dana 31 yogunu.

Li binli 2025, piiga n cilie dana 31 yogunu, bidise ligikuake den tie **miliyaadinba 3 693,71 sefa ligi**, lan tie yaa ligi n kua 108,40%. Ti ya boagini leni li binli 2024, piiga n cilie dana 31 yogunu, yaa ligi n den kua den fii miliyaadinba 2 947,67 sefa ligi, ki cuani mi puginma yaala n pundi miliyaadinba 746,04 sefa ligi leni i ligi kúama puginma ke li pundi puwenba 14,99.

Yaa ligi n ñani ki tuugi leni bidise tuona fii **miliyaadinba 4 076,77 sefa ligi** ki sua ban den bili yi baa ña den tie miliyaadinba 4 095,41 ; lan búndi ke yaa ligi n ñani a tuona po pundi 99,55%. Li binli 2024 laa yogunu nni, yaa ligi n den ñani den tie miliyaadinba 3 666,13 sefa ligi ; lan búndi ke yaa ligi n den ñani a tuona po den pundi 98,92%.

Miliyaadinba 5 082,05 sefa ligi n kua baalo ligikpagu nni , ki sua li binli 2024, piiga n cilie dana 31 yogunu, yaa ligi n den kua den tie miliyaadinba 3 919,20 sefa ligi, lan tie ke mi puginma pundi li binli nni 29,67%. Yaa ligi n ñani baalo ligikpagu nni pundi **miliyaadinba 5 022,73 sefa ligi**, ki sua li binli 2024 nni laa yogunu nni yaa ligi n den ñani den tie **miliyaadinba 3 814,86 sefa ligi**. Lan tie ke mi puginma pundi 31,66%.

Ti ya boagini yaa ligi n kua baalo ligikpagu nni leni yaa ligi n ñani, i ligisienke pundi **miliyaadinba 59,32 sefa ligi**.

Li binli 2025, piiga n cilie dana 31 yogunu, bidise ligibilike den fii **miliyaadinba 625,35 sefa ligi**, ki sua li binli 2024 nni laa yogunu nni, bidise ligibilike den tie miliyaadinba 347,96 sefa ligi ; lan tie ke mi puginma pundi **miliyaadinba 277,39 sefa ligi**. Bidise ligisienke kuli taanma pundi **miliyaadinba 506,48 sefa ligi**.

Nani bidise tuona n tie maama li binli 2025, piiga n cilie dana 31 yogunu, ki fidi ki suagi leni yaa tuona n pia u fidu bidise liginama po, a koanbala taanli puogi bi gobidikaaba yaaba n pia li bali ki ñani baalo ligi kuli, ke ban suagi leni i ligi ñanma

li binli 2026 bidise nni, ki soani li binli 2025 bidise tuona, leni yaa bina n pendi bidisenba tuona hali ki daa cili ligiñanpanma, ke lan da ti cuani pantoana.

II.2. Yaa koanbali n die i làabáali, ku maasuagu, i nii tagima leni yanluadi goada tuona den puni i làabáali yii n tuugi leni mi diema nni silima leni ti junjuntalinkaadi tuona bandiciamo mi taabuama 30 po ke laa badu ba tieni li binli 2027 citaa o dana 20 ki gedi o dana 27 daali Wagadugu. Ban gandi yaa mayuli lipo tie « **Afidiki silima tuona leni yuceli moandima findima** » .

Baa ke silima tuona findi ki go pia mi ñuadima buoli buoli, Afidiki silimaanba go ye leni li muali boncianla ke li pundi tin baa yaa sanbila n baa yegi leni ti yuceli moandima maama ke ti silima junjundi ba fidi ki talini ki pundi i kaani kuli.

Nani silima n tie maasuagu tuonsoantiagu yaagu n pia u fidu bonjanla yeni, o pia mayuli boncianli yaala n tie Afidi yudiedima po. Yaa mayuli n yene bua ki doagidi yaa tuginma buoli n ye yuceli moandima findima leni Afidiki silima tuona siiga.

II.3. Yaa koanbali n die a biwaala cógú, ti máamaamáama cógú leni ti diema mabuoli findima leni a bicegidikàana cógú leni mi tuonsoanbangima koanbali den taani ki puni i làabáali yii n tuugi leni a cogibila biigima leni bi titoama buoli kuli boginma li binli 2026 po. Yaala n tie yaa koanbadiegu n die a biwaala cógú, ti máamaamáama cógú leni ti diema mabuoli findima kani, ti maamaamaama cogu cogibila biigima den cili li binli 2026 cimuu o dana 19 daali ki baa n gbeni li binli 2026 ciluoba o dana 06 daali. A biwaala yaa biigima ban yi yaama SEEPE yeni mo ba cili li binli 2026 ciluoba o dana 02 ki ban gbeni li binli 2026 cilele o dana 18 daali.

Yaala n tie a bicegidikàana cógú leni mi tuonsoanbangima koanbadiegu kani, a cogibila biigima leni bi titoama cili li binli 2026 cimuu o dana 05 daali leni mi gbannansaagima tuona, ki baan gbeni li binli 2026 ciyia o dana 22 daali leni mi tuonsoanbanma biigima n mali yaala waanma.

BEPESE, BEEPE, leni KAPI biigima po, mi gbannansaagima tuona den cili li binli 2026 cimuu o dana 05 ki gedi o dana 19 daali. A tila nni diani biigima ba cili li binli 2026 ciluoba odana 2 daali ki ban gbeni yaala ŋua li yala, ciluoba o dana 12, 13 leni o dana 15 daali.

BAKI yaa biigima po mo, mi gbannansaagima tuona cili li binli 2026 cimuu o dana 21 ki baa n gbeni li binli 2026 ciluoba o dana 04 daali.

Yaala n tie SEKIPE po, mi biigima ba tieni li binli 2026 ciluoba 30 ki gedi cilele o dana 07 daali. BEKIPE biigima ba tieni li binli 2026 cilele o dana 21 ki gedi o dana 28 daali. BEPETE biigima ba tieni li binli 2026 ciyia o dayenli ki gedi o dana 08 daali, BETESI biigima mo ba tieni li binli 2026 ciyia o dana 15 ki gedi o dana 22 daali.

yaa koanbadiegu n die a biwaala cógú, ti máamaamáama cógú leni ti diema mabuoli findima pia li kuli taanma yaaba n ba biigi coali tie cogibila **385 543** lani tie bonpola/puoba **219 388** leni bonjala/jaba **166 155**.

A bicegidikàana cógú leni mi tuonsoanbangima koanbadiegu mo pia li kuli taanma yaaba n ba biigi coali tie cogibila **385 543** lani n tie bonpola/ puoba **219 388** leni bonjala/jaba **166 155**. Laa koanbadieliediti pia li kuli taanba yaaba n ba biigi cogibila **759 174**.

Bi taa a jaga laa biigima leni laa titoama kuli n cuoni ŋamal li binli 2026 po.

III. BAN DINI YAABA A BÁLA

III. BAN DINI YAABA A BÀLA YENDI YENDO TUONA NNI

A. KU CICIKOANBADIEGU KANI

- O joa Yaya **SANU**, o lanba li tuonli nni tie **245 217 M**, o tie Bàaló ligidiedi goandikoa , bi dini o li bali ke o tua ku koanbadiegu tuona yankpaagidaano ;
- O joa Erinesiti **KABORE**, o lanba li tuonli nni tie **91 269 A**, o tie Bàaló ligidiedi goandikoa, bi dini o li bali ke o tua yaa tuoncàgili n baa yaa diidi Bàaló piama wan die yaa tuonsoanjaana leni yaa tuonsoandiedi tidianlo

B. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

- O joa Dafidi Diléwigo Dimitiri **KANMI**, o lanba li tuonli nni tie **57 448 G**, o tie bu kpaabu tuona bando, bi dini o li bali ke o tua Bulicina Faso nni bu kpaabu tuonsoancagili« SOFA » Tidianyudaano ;
- O joa Abidulayi **JIRE**, o lanba li tuonli nni tie **254 862 R**, o tie bu kpaabu tuona bando, bi dini o li bali ke o tua yaa bangicagili n diidi bu kpaabu tuonbanma mi diema nni, bi naakpakpaaba bangima cogidieli Maturuku pò.

C. YAA KOANBADIEGU N DIE U LOAGU LENI I LIGI KUBIMA TUONA KANI

- **BANDIRE** pua Nana /**TARAWORE**, o lanba li tuonli nni tie **58 465 E**, o tie li lubili tuona goandikoa, bi dini o li bali ke o tua li tuonsoanjaali yaali n páá yaa tuonsoanba n gaa bi fuodima ligi (KARIFO) lubigaaba tundikoa ;
- O joa Romiali Sandipawendé **NIKIEMA**, o lanba li tuonli nni tie **57 139 W**, o tie li lubili tuona goandikoa, bi dini o li bali ke o tua Waga sisi lubigaadiegu Yudaano ;
- O joa Lasané **KARIGUGU**, o lanba li tuonli nni tie **55 744 D**, o tie li lubili tuona goandikoa, bi dini o li bali ke o tua Waga sisi kani a tuonsoanjaa-cegidikàana Yudaano ;

- **DIABI** pua Orokia /**SANOGO**, o lanba li tuonli nni tie **239 762 Y**, o tie i ligi kubima tuona goanidikoa, bi dini o li bali ke o tua li tuonli báama tuonsoandiegu Bulicina nni « **ABEPE** » yaali n yi « Faso Tonlo Zi » tiakubilo;
- O joa Basene **BAKONE**, o lanba li tuonli nni tie **346 173 X**, o tie duaninba tuona goandikoa, bi dini o li bali ke o kua mi diema nni yaa cagili n moa u kpendu subu (furodi) gbenma nni

D. MI DIEMA NIBA TUONSOANBA KOANBADIEGU KANI

- O joa Usimani Dafidi **SANNE**, o lanba li tuonli nni tie **212 429 T**, o tie bi niba gobidima tundikoa, bi dini o li bali ke o tua ti tuonsoandiedi tuona goandikoa.

E. YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA KANI

- O joa Salifu **WARIMA**, o lanba li tuonli nni tie **220 278 V**, o tie mi laabaalitenma tuona tundikoa, bi dini o li bali ke o tua ti tuonsoandiedi laabaalitenma tuona Yudanciamo.

F. U BAADOGU MAAMA TUONA KOANBADIEGU KANI

- O joa Kuka Benjamina **KONKOBO**, o lanba li tuonli nni tie **92 929 S**, o tie li tanmaali bandiciamo, bi dini o li bali ke o tua li koanbali tundikoa mi tuonbanma nni ;
- O joa Gomisida **WEDIRAWOGO**, o lanba li tuonli nni tie **75 404 M**, o tie li tanmaali bandiciamo dini o li bali ke o tua li koanbali todikoa;
- O joa Suako **KOHUNI**, o lanba li tuonli nni tie **91 369 J**, o tie u tingbanu tuona bando, bi dini o li bali ke o tua mi diema nni, yaa tuonjaali n diidi i dociami nni, mi tinfanma leni a diena maama tuona boginiñanbima Yudanciamo;

- O joa Musa **DANBELE**, o lanba li tuonli nni tie **48 523 H**, o tie u cogu saliwuudi diedi ligi leni li tiadi bonkubilo bi dini o li bali ke o tua li dièmááli leni mi tuonsoanbanma cogidieli Ligikubili tuona Yudaano ;
- O joa Bobolewendé Solomé **WEDIRAWOGO**, o lanba li tuonli nni tie **241 642 R**, o tie u cogu tuona tundikoa, bi dini o li bali ke o tua mi diema nni li dièmááli leni mi tuonsoanbanma cogidieli Yudaano.



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima